

Na osnovu člana 22. stav 1. i 4. Zakona o slatkovodnom ribarstvu (»Službene novine Federacije BiH«, broj 64/04), federalni ministar poljoprivrede, vodoprivrede i šumarstva, **donosi**

PRAVILNIK

O PROGRAMU I NAČINU POLAGANJA RIBARSKOG ISPITA, OBRASCU I NAČINU IZDAVANJA UVJERENJA O POLOŽENOM RIBARSKOM ISPITU I REGISTRU O IZDATIM UVJERENJIMA O POLOŽENOM RIBARSKOM ISPITU

Član 1.

Ovim pravilnikom propisuje se program i način polaganja ribarskog ispita, obrazac i način izdavanja uvjerenja o položenom ribarskom ispitu (u daljem tekstu: Uvjerenje) i oblik, sadržaj i način vođenja registara o izdatim uvjerenjima (u daljem tekstu: Registar).

Član 2.

Program za polaganje ribarskog ispita (u daljem tekstu: Program) obuhvata sljedeće teme:

1. zakonski propisi u sportsko-rekreativnom ribolovu;
2. gospodarenje ribljim fondom u sportsko-rekreativnom ribolovu;
3. ribe slatkih voda Federacije BiH;
4. zaštita riba, ribljih staništa i poribljavanje;
5. uticaj alohtonih vrsta riba;
6. pravila sportsko-rekreativnog ribolova (ribolovne vode, prava, obaveze i ovlaštenja ribočuvara, ribolovni pribor i alati, zabrane i lovostaj, kazne u sportsko-rekreativnom ribolovu, ribolovna društva, prava i obaveze članova i kodeks).

Okvirni sadržaji iz tema navedenih u stavu 1. ovoga člana osnov su za oblikovanje ispitnih pitanja na provjeri znanja.

Ribarski ispit (u daljem tekstu: ispit) polaže se pismeno rješavanjem testa.

Član 3.

Federalni sportsko-ribolovni savez (u daljem tekstu: Savez) izdaje Priručnik za sportsko-rekreativni ribolov kao podlogu za pripremanje ispita, a na Program i Priručnik saglasnost izdaje federalni ministar poljoprivrede, vodoprivrede i šumarstva (u daljem tekstu: federalni ministar).

Član 4.

Ispit se polaže pred Komisijom za ribarske ispite (u daljnjem tekstu: Komisija), koju na prijedlog Saveza imenuje Federalni ministar.

Komisija se sastoji od 6 članova koji između sebe biraju predsjednika, sekretara i zapisničara Komisije.

Član 5.

Ispite organizuje i održava Savez.

Rokove za polaganje ispita određuje predsjednik Komisije.

Ispit se polaže svake prve subote u mjesecu, tokom cijele godine.

Član 6.

Kandidat koji želi polagati ispit podnosi pismenu prijavu putem matičnog društva ili direktno Savezu.

Prijava iz stava 1. ovog člana mora se predati najkasnije 7 dana prije ispita i treba sadržavati:

- ime i prezime kandidata;
- adresu prebivališta;
- jedinstveni matični broj kandidata;
- broj lične karte ili broj pasoša kandidata;
- datum i mjesto rođenja;
- naziv matičnog sportsko-ribolovnog društva.

Član 7.

Članovi Komisije moraju biti stručna i iskusna lica u oblasti sportsko-rekreativnog ribolova, sa VSS- Pravnim ili Poljoprivrednim fakultetom.

Predsjednik, članovi i sekretar Komisije imaju pravo na naknadu za rad u Komisiji.

Na ispitu moraju biti prisutna najmanje tri člana Komisije iz stava 1. ovog člana.

Za rad na gore navedenim poslovima članovima Komisije pripada naknada u netto iznosu od 20,00 KM po kandidatu.

U iznos naknade iz stava 4. ovog člana uključeni su i troškovi organizovanja ispita.

Član 8.

Za kandidata koji neopravdano odustane od započetog polaganja ispita, smatra se da nije položio ispit.

Kandidat koji ne položi ispit stiče pravo ponovo podnijeti zahtjev za polaganje ispita nakon 15 dana.

Član 9.

O toku polaganja ispita vodi se zapisnik za svakog kandidata posebno, a u zapisnik se unose svi podaci od značaja za tok ispita kao i ocjena.

Zapisnik vodi sekretar Komisije.

Zapisnik potpisuje predsjednik i sekretar Komisije.

Član 10.

Ukupna ocjena uspjeha ispita je »položio« ili »nije položio«.

Kandidat se ocjenjuje ocjenom »položio« ako je pokazao zadovoljavajuće znanje ispitnog gradiva, odnosno pravilno riješio 75 % testa.

Član 11.

O položenom ispitu svakom kandidatu Federalno ministarstvo poljoprivrede, vodoprivrede i šumarstva (u daljem tekstu: federalno ministarstvo) izdaje Uvjerenje na obrascu koji je štampan uz ovaj Pravilnik i čini njegov sastavni dio (prilog 1.).

Član 12.

Obrazac Uvjerenja iz člana 11. ovog Pravilnika sastoji se jednog lista papira A 4 format.

Obrazac Uvjerenja toniran je u zelenoj boji.

Podaci u obrascu Uvjerjenja ispunjavaju se kompjuterski, pisaćom mašinom ili rukom štampanim slovima.

Član 13.

Na obrascu Uvjerjenja od vrha prema dnu je tekst sljedećeg sadržaja:

- grb Federacije BiH;
- naziv tijela koje izdaje Uvjerjenje;
- naziv obrasca Uvjerjenja;
- ime i prezime nosioca Uvjerjenja;
- adresa prebivališta nosioca Uvjerjenja;
- JMBG;
- broj lične karte ili broj pasoša nosioca Uvjerjenja;
- datum, mjesto i država rođenja nosioca Uvjerjenja;
- državljanstvo nosioca Uvjerjenja;
- mjesto i datum kada je nosioc Uvjerjenja položio ispit;
- M. P. i potpis ovlaštenog lica;
- serijski broj obrasca Uvjerjenja.

Član 14.

Uvjerjenje iz člana 11. ovog Pravilnika, bez obaveze polaganja ispita, izdaće se:

- licu koje je na osnovu propisa koji su bili na snazi do stupanja na snagu Zakona o slatkovodnom ribarstvu položilo ribarski ispit ili koje je položilo kolegij ribarstva na VI ili VII stepenu obrazovanja;

– licu koje je položilo ribočuvarski ispit.

Uvjerjenje iz stava 1. ovog člana izdavaće se zaključno s 31. decembrom 2006. godine.

Član 15.

Registar o izdatim Uvjerenjima po ovom Pravilniku (u daljem tekstu: Registar), vodi se prema obrascu Registra koji je štampan uz ovaj Pravilnik i čini njegov sastavni dio (prilog 2.).

Registar se sastoji od listova papira standardnog formata A4 koji su označeni rednim brojevima i moraju biti uvezani.

Član 16.

U Registar se upisuju sljedeći podaci:

- redni broj upisa;
- serijski broj obrasca uvjerenja;
- podatke o licu kojem je izdato uvjerenje (ime i prezime, adresa prebivališta,
- broj lične karte ili broj pasoša, datum, mjesto i država rođenja);
- podatke u vezi s izdatim uvjerenjem (mjesto i datum polaganja ispita, ovlašteno lice).

Član 17.

Ovaj Pravilnik stupa na snagu osmog dana od dana objavljivanja u »Službenim novinama Federacije BiH«.



BOSNA I HERCEGOVINA
FEDERACIJA BOSNE I HERCEGOVINE

FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA

-KOMISIJA ZA RIBARSKI ISPIT-

UVJERENJE
O POLOŽENOM RIBARSKOM ISPITU

(ime i prezime)

(adresa prebivališta)

(JMBG)

(datum, mjesto i država rođenja)

(državljanstvo)

(mjesto i datum polaganja ispita)

M. P.

(predsjednik komisije)

Broj: _____
Sarajevo, _____

Serijski broj: N° 0001



R E G I S T A R
O IZDATIM UVJERENJIMA O POLOŽENOM
RIBARSKOM ISPITU

U ovom registru sadržani su
redni brojevi od _____
do uključivo _____

REGISTAR O IZDATIM UVJERENJIMA O POLOŽENOM RIBARSKOM ISPITU
REDNI BROJ UPISA _____, STRANA _____

Rbr	Serijski broj uvjerenja	Ime i prezime nosioca uvjerenja	Adresa prebivališta	JMBG	Datum, mjesto i država rođenja	Datum i mjesto polaganja ispita	Ovlašteno lice
1	2		3	4	5	6	7

Objavljeno u „Službenim novinama Federacije BiH“ broj: 63/05 od 02.11.2005.godine